

ԳԻՏԱԺՈՂՈՎ՝ ՆԿԻՐՎԱԾ ՎԱՀԱՆ ՏԵՐՅԱՆԻ ԾՆՆԴՅԱՆ 140-ԱՄՅԱԿԻՆ*

2025 թ. նոյեմբերի 5-ին ՀՀ ԳԱԱ Մ. Աբեղյանի անվան գրականության ինստիտուտում տեղի ունեցավ Վահան Տերյանի ծննդյան 140-ամյակին նվիրված գիտաժողով: Այն կազմակերպվել էր ՀՀ ԿԳՄՍ նախարարության աջակցությամբ և Մ. Աբեղյանի անվան գրականության ինստիտուտի, «Զավախք» հայրենակցական բարեգործական հասարակական կազմակերպության (ՀԲՀԿ) նախաձեռնությամբ: Գիտաժողովի մեկնարկից առաջ մասնակիցներն ու հյուրերը Կոմիտասի անվան պանթեոնում ծաղիկներ խոնարհեցին Վահան Տերյանի շիրմին: Այնուհետև Տերյանի ստեղծագործությունները հնչեցին մեծ բանաստեղծի անունը կրող Երևանի թիվ 60 դպրոցի աշակերտների շուրթերով:

Իր բացման խոսքում ինստիտուտի տնօրեն, Բ. Գ. Թ. Հերիքնազ Որսկանյանը մասնավորապես ասաց, որ նշանավոր բանաստեղծ, հասարակական-քաղաքական գործիչ Վահան Տերյանը թեև ստեղծագործել է ընդամենը 15 տարի, սակայն կարողացել է բերել բանաստեղծական նոր ավանդույթներ, գեղարվեստական աշխարհի իր ներքին օրենքները, խորհրդանշանների իր լեզուն, պատկերավորման իր սկզբունքները: Նրա ողջ կյանքն ու գործունեությունն իր ազգի, հայրենիքի ներկայի և ապագայի մասին մտահոգությունների, խորհրդածությունների, որոնումների ճանապարհ էին:

Ողջունելով գիտաժողովի կազմակերպիչներին, մասնակիցներին և հյուրերին՝ ՀՀ կրթության, գիտության, մշակույթի և սպորտի նախարարի տեղակալ Ալֆրեդ Քոչարյանը նշեց, որ գիտաժողովը կայանում է Վահան Տերյանի ժառանգության գիտական ուսումնասիրության շարունակականության և արդիականության համատեքստում և հնարավորություն է նորովի գնահատելու Վ. Տերյանի դերը հայ գրականության ու մշակույթի զարգացման գործում: Նա հավաստիացրեց, որ նախարարությունը շարունակելու է աջակցել այն բոլոր նախաձեռնություններին, որոնք նպաստելու են հայ մեծ բանաստեղծի ժառանգության հանրահռչակմանը և ուսումնասիրությանը:

Ողջունի բովանդակային խոսքերով հանդես եկան՝ Վ. Տերյանի ծոռ, գրականագետ, Բ. Գ. Թ. Գևորգ Էմին-Տերյանը և պ. Գ. Թ., դոց., ՀՀ ԱԺ պատգամավոր, «Զավախք» ՀԲՀԿ նախագահ Ծիրակ Թորոսյանը:

Գիտաժողովի առաջին նիստը վարում էր Գևորգ Էմին-Տերյանը: Բ. Գ. Թ., պրոֆ. Դավիթ Գապարյանը (ԳԱԱ պատմության ինստիտուտի առաջատար գիտաշխատող), հանդես եկավ «Վահան Տերյան-Պողոս Մակինցյան. Անտիպ նամականի» վերնագրով զեկուցումով, Բ. Գ. Թ., դոց. Սուսաննա Հովհաննիսյանը (Մ. Աբեղյանի անվան գրականության ինստիտուտի առաջատար գիտաշխատող), ներկայացրեց նորահայտ նյութեր Տերյանի սիրտ քնարերգության կենսական ազդակների պատմությունից (Վահան Տերյան և Նվարդ Թումանյան):

* Ներկայացվել է 16. XI. 2025 թ., ընդունվել է տպագրության 17. XI. 2025 թ.:

«Հայկական հանրագիտարան հրատարակչության» գլխավոր խմբագիր և տնօրեն, քիմ. գ. դ. Հովհաննես Այվազյանը հանդես եկավ «Վահան Տերյանը Հովհաննես Թումանյանի և մյուս գրական մեծերի տեսադաշտում» զեկուցմամբ: Բ. գ. դ., պրոֆ. Մազդա Ջանփոլադյանի զեկուցման թեման էր՝ «Վահան Տերյանը Ալբերտ Նալբանդյանի ուսանողների թարգմանություններում»: Բ. գ. թ. Մարինե Սարգսյանը (Մ. Աբեղյանի անվան գրականության ինստիտուտի տեքստաբանությունից բաժնի գիտաշխատող, փոխտնօրեն) ներկայացրեց «Վահան Տերյանի «Հոգևոր Հայաստան»-ը՝ ազգային ռազմավարություն» խորագրով զեկուցումը: Բ. գ. թ., դոց. Մերի Հովհաննիսյանը (ԵՊՀ գիտական քարտուղար) անդրադարձավ Վահան Տերյանի խոսքարվեստի առանձնահատկություններին, ֆիզմաթ գ. թ. Սարգիս Գալոյանը՝ Վահան Տերյանի ստեղծագործություններում մահվան թեմային:

Գիտաժողովի երկրորդ նիստը վարում էր Մարինե Սարգսյանը: ԳԱԱ թղթակից անդամ, բ. գ. դ., պրոֆ. Աելիտա Դոլուխանյանը (ՀՊՄՀ-ի Հայ Հին և միջնադարյան գրականության և նրա դասավանդման մեթոդիկայի ամբիոնի վարիչ) անդրադարձավ Վ. Տերյանի «Հայ գրականության գալիք օրը» դասախոսության վերժամանակյա արժեքին, Գևորգ Էմին-Տերյանը ներկայացրեց Տերյանի քաղաքական հայացքները: Բ. գ. դ., պրոֆ. Աշոտ Գալստյանը (ՀՊՄՀ-ի բանասիրական ֆակուլտետի դեկան) հանդես եկավ «Վահան Տերյան բնորոշ հուշագրության մեջ լեզու և կառուցվածք» թեմայով զեկուցմամբ: Բ. գ. թ. Լուսինե Վարդանյանի (Մ. Աբեղյանի անվան գրականության ինստիտուտի ավագ գիտաշխատող) զեկուցումը նվիրված էր Վահան Տերյանի «Երկիր Նաիրի» և Եղիշե Չարենցի «Դոֆին նաիրական» շարքերին: Բ. գ. թ., դոց. Ալիսա Հասանյանը (ԵՊՀ Իջևանի մասնաճյուղ, Հայոց լեզվի և գրականության ամբիոնի դասախոս) անդրադարձավ Տերյանի գրական-քննադատական հայացքներին: Բ. գ. թ., դոց. Թեհմինա Մարությունի (Սյունիքի գիտամշակութային զարգացման հիմնադրամի տնօրեն, Ակսել Բակունցի տուն-թանգարանի գիտաշխատող) զեկուցման թեման էր՝ «Վահան Տերյանի պոեզիայի արևելյան խորհրդաբանությունը», փիլ. գ. թ., դոց. Վարդան Հախվերդյանի զեկուցումը նվիրված էր Վահան Տերյանի էթնոքաղաքական հայեցակարգին: Նիստը եզրափակվեց բ. գ. թ., դոց. Վահան Աղաբաբյանի (ԵՊՀ Իջևանի մասնաճյուղի կիրառական արվեստի ֆակուլտետի դեկան) և Հասմիկ Գրիգորյանի (Իջևանի թիվ 3 հիմնական դպրոցի հայոց լեզվի և գրականության ուսուցչուհի) «Նոր հանրակրթության պետական չափորոշիչի կիրառումը «Վահան Տերյան» թեմայի ուսուցման ընթացքում» զեկուցմամբ:

Գիտաժողովի ավարտին ամփոփվեցին արդյունքները, ևս մեկ անգամ ընդգծվեց Տերյանի ժառանգության անտիպ էջերը ձեռք բերելու հարցում գործնական քայլեր ձեռնարկելու կարևորությունն ու անհրաժեշտությունը:

ՀԵՐԻՔՆԱԶ ՈՐՄԿԱՆՅԱՆ

Բ. գ. թ., ՀՀ ԳԱԱ Մ. Աբեղյանի անվան գրականության ինստիտուտի տնօրեն, Հայ Հին և միջնադարյան գրականության բաժնի վարիչ: Գիտական հետաքրքրությունները՝ Հայ Հին և միջնադարյան գրականություն, Հայ դասական գրականություն: Հեղինակ է մեկ մենագրության և 40 հոդվածի:

ORCID:0000-0001-6682-4043. vorskanyan.heriknaz@mail.ru